

Na osnovu člana 8. Zakona o javnim priznanjima Zeničko-dobojskog kantona („Službene novine Zeničko-dobojskog kantona“, broj: 6/13, 2/14 i 15/21) i člana 3. Rješenja o imenovanju Odbora za javna priznanja Zeničko-dobojskog kantona 02-04-9538/24 od 17.05.2024. godine, Odbor za javna priznanja Zeničko-dobojskog kantona, raspisuje

JAVNI POZIV ZA DODJELU JAVNIH PRIZNANJA ZENIČKO-DOBOJSKOG KANTONA

I

Raspisuje se Javni poziv za dodjelu javnih priznanja Zeničko-dobojskog kantona povodom 29. avgusta – Dana Zeničko-dobojskog kantona i to:

- Povelja Kantona i
- Plaketa Kantona.

II

Povelja Kantona dodjeljuje se stranim državljanima koji su se istakli naročitim zaslugama u davanju podrške pravednoj borbi za odbranu Bosne i Hercegovine od agresije, razvijanju međunarodne saradnje, razvijanju međuljudskih odnosa na načelima solidarnosti, humanosti i toleranciji među ljudima različite nacije, vjere, kulture i dr.

Plaketa Kantona dodjeljuje se kao priznanje fizičkim licima, privrednim društvima, ustanovama, vjerskim zajednicama, udruženjima građana ili drugim pravnim subjekatima za doprinos razvoju Kantona u oblasti privrede, nauke, medicine, sporta, društvenih djelatnosti i umjetnosti.

III

Pravo predlaganja kandidata za dodjelu javnih priznanja imaju građani, jedinice lokalne samouprave, preduzeća, ustanove, političke organizacije, udruženja građana, poslanici, fondacije, pojedinci i drugi organi i organizacije.

IV

Prijedlog treba da sadrži: ime, prezime i adresu kandidata, odnosno naziv privrednog društva, ustanove, vjerske zajednice, udruženja građana ili drugih pravnih subjekata koji se predlažu za dodjelu javnog priznanja.

V

U skladu sa Odlukom o utvrđivanju bližih kriterija za dodjeljivanje javnih priznanja, Odbor za javna priznanja Zeničko dobojskog kantona, uzet će u razmatranje samo one prijave koje budu ispunjavale sljedeće kriterije:

- a) Prilikom podnošenja prijedloga za dodjelu Javnog priznanja iz tačke **I** ovog konkursa, predlagač treba da dostavi original ili kopije dokumentacije na kojoj temelji svoj prijedlog, osim ako se radi o sadržajima kao što su knjige, članci u novinama, članci/tekstovi sa internet portala gdje postoji cenzura i nemogućnost slobodnog pristupa mijenjanju tekstova izuzev za administratore, naučni radovi i druge publikacije u kojem slučaju se dostavljaju prve stranice naslova, podaci o izdavaču i sadržaj - **dostavlja se kopija**. Kod dostavljanja tekstova iz novina, dostavlja se samo prva stranica novina i puni tekst sa stranice koji se odnosi na predlaganog kandidat/a/kinju, a kod dostavljanja članaka/tekstova sa internet portala mora se jasno vidjeti sa kojeg portala je preuzet članak/tekst;
- b) Prijava se podnosi u zatvorenoj koverti, na kojoj se **obavezno** mora naznačiti ko podnosi prijedlog za dodjelu javnog priznanja, kao i činjenicu da se podnosi Vladi ZDK i Odboru za javna priznanja, na sljedeći način:

ZENIČKO-DOBOJSKI KANTON
Vlada Zeničko-dobojskog kantona
Odbor za javna priznanja
Adresa: Kučukovići br. 2.
72000 Zenica
- NE OTVARATI -

- c) U prijavi je **obavezno**, posebnim pismenom, naznačiti za koje se javno priznanje predlaže kandidat/kinja, adekvatno obrazloženje, u kojem se naročito navodi kako i na koji način je kandidat/kinja da/o/la doprinos Zeničko-dobojskom kantonu, sa **obaveznim** dokazima u prilogu kojim se potkrepljuju navodi iz prijave;
- d) Kao relevantan dokaz kojim se potkrepljuju navodi u inicijativi/prijedlogu **NEĆE SE** smatrati tekstovi sa stranica čiji se sadržaj može svakodnevno mijenjati bez cenzure i odobrenja;
- e) Jedan predlagač može da podnese samo po jedan prijedlog za javno priznanje iz tačke **I** ovog konkursa.
- f) U jednoj koverti se može dostaviti samo jedna prijava sa jednim prijedlogom za dodjelu Javnog priznanja.

Prijedloge za dodjelu javnih priznanja potrebno je dostaviti najkasnije do 18.06.2024. godine.

VI

Prijedlozi koji budu podneseni od neovlaštenih podnosilaca, izvan roka podnošenja ili ne budu u skladu uslovima iz ovog konkursa neće biti razmatrani.

Broj: 02-04-9538-5/24
Zenica, 30.05.2024. godine

PREDSJEDNIK
ODBORA ZA JAVNA PRIZNANJA

Mirsad Čizmić